

La BCG ed il Project en favur dal gaud da muntogna creeschan 60 jobs da stad per giuvenils

Cuira, ils 10 da fanadur 2014 – La Banca Chantunala Grischuna (BCG) ed il Project en favur dal gaud da muntogna pussibiliteschan questa stad a 60 giuvenils da prestar in'emna lavur da gaud durant las vacanzas da stad e da gudagnar 500 francs. L'emprim engaschi a Trin va bainbaud da rendi. Fin l'entschatta d'avust suondan trais ulteriuras emnas da lavur a Cuira, Claustra e Tumein.

En il rom dal project da stad 2014 da la BCG lavuran dapi glindesdi la damaun 15 giuvenils en il gaud da protecziun sur Trin. Sut surveglianza professiunala contribueschan ils giuvenils activamain al mantegniment dal gaud da muntogna. A chaschun dal di da medias infurmeschan oz Alois Vinzens, CEO da la Banca Chantunala Grischuna, Reto Hefti, selvicultur dal chantun, Stefan Cahenzli, president communal da Trin e Christian Malär, selvicultur da revier, davart l'idea ed il stadi da las lavurs.

Engaschi da la BCG per giuvenils e per il gaud da muntogna

Cun ses project da stad pussibilitescha la Banca Chantunala Grischuna a giuvnas Grischunas e giuvens Grischuns da far ina lavur raschunaivla durant las vacanzas. Uschia gida la banca a tgirar e mantegnair il gaud da muntogna sco refugi ed abitadi indispensabel. «Il project è in confess a nossa regiun. Nus surpigliain a medem temp ina responsabladad sociala cun porscher a giuvenils in'activad pajada», commentescha Alois Vinzens l'engaschi durabel da la banca. A l'entschatta eran planisads 45 jobs da stad. Pervia da la gronda dumonda han ins augmentà la purschida cun in'ulteriura emna a Tumein sin totalmain 60 plazzas.

Lavur preziosa ed eveniments positivs

Ils giuvenils prestan durant las emnas da lavur in'impurtanta contribuziun. Il gaud da muntogna protegia da lavinas, bovas, erosiuns ed auazuns. Il medem mument serva el sco abitadi per bleras spezias d'animals e da plantas, sco spazi da recreaziun e sco furnitur da laina. «Ils giuvenils èn motivads e lur interess per la natira è grond. Ils ultims dis han els emprais bler davart ils contexts da quest sistem ecologic fascinant e lavurà diligentamain», constatescha Reto Hefti, manader da l'Uffizi da gaud e privels da la natira e president da la Fundaziun Project en favur dal gaud da muntogna, cun entusiassem. Fin l'entschatta d'avust suondan trais ulteriuras emnas da project. Tenor la devisa «Mes engaschi. Noss gaud da muntogna» sa participeschan danovamain mintgamai 15 giuvenils a Cuira, Claustra e Tumein.

A Vossas dumondas respunda gugent:

alexander.villiger@gkb.ch

Manader persunal | +41 81 256 99 84

Il sector Marketing & comunicaziun As gida gugent a cuntanscher il pli svelto pussaivel Vossa persuna da contact:

As drizzai a thom.mueller@gkb.ch | +41 81 256 83 11.

chascha postala
7002 Cuira
Tel. +41 (0)81 256 91 11
Fax +41 (0)81 256 99 98
www.gkb.ch

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa l'097 collavuraturas e collavuratur (stadi dals 31-12-2013). En il chantun Grischun cun sias numerusas vals e pliras linguas, è l'interpresa represchentada cun 65 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 20,001 milliardas in gudogn brut consolidà da CHF 214,4 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestril 2014:	25 da fanadur 2014
Quint annual 2014:	6 da favrer 2015
Radunanza dals participants:	28 da mars 2015

Il Project en favur dal guaud da muntogna

Il Project en favur dal guaud da muntogna è ina fundaziun d'utilitad publica cun sedia a Trin (GR) che realisescha engaschaments da lavur cun laics forestals en il guaud da muntogna. Il project ha l'intent da promover il mantegniment, la tgira e la protecziun dal guaud e da la cuntrada cultivada en la regiun da muntogna. E quai surtut cun lavurs da tgira e sanaziun en engaschaments da lavur e cun promover la chapientscha da la publicitad per l'impurtanza dal guaud. La lavur da la Fundaziun Project en favur dal guaud da muntogna vegn pussibilitada tras donaziuns, legats, contribuziuns d'organisaziuns partenarias e possessurs da guaud.

www.bergwaldprojekt.org